

Medr

Y Comisiwn Addysg Drydyddol ac Ymchwil
Commission for Tertiary Education and Research

Safon UG Estynedig

Manyleb y Rhaglen

Mae'r fersiwn hon o'r fanyleb yn berthnasol
ar gyfer Blwyddyn Academaidd 2026/27.

Mae'r ddogfen hon hefyd ar gael yn y Saesneg |
This document is also available in English
www.medr.cymru



Noddir gan
Lywodraeth Cymru
Sponsored by
Welsh Government

Cynnwys

1. Cyflwyniad	3
2. Diben y Rhaglen	3
3. Trosolwg o Ddarparu.....	3
4. Cymhwysra a Gofynion Mynediad ar gyfer Dysgwyr	3
5. Cynnwys y Rhaglen	4
6. Gofynion Cyflwyno Data.....	5
Codau'r Rhaglenni	5
Model Cyllido	5
7. Monitro ac Archwilio	5
Dull Monitro	6
Cydymffurfio â Manyleb y Rhaglen	6
Deilliannau Dysgu	6
Profion Archwilio.....	6
8. Manylion Cyswllt	6

1. Cyflwyniad

Mae'r Fanyleb Rhaglen hon yn nodi'r gofynion ar gyfer darparu'r Rhaglen Safon UG Estynedig. Mae'n darparu trosolwg o ofynion y rhaglen, gan gynnwys cymhwystra ac amodau mynediad ar gyfer dysgwyr; ac yn manylu ar y gofynion cyflwyno data i alluogi Medr i fonitro'r modd y darperir y rhaglen a'r deilliannau dysgu ar gyfer y Rhaglen.

Rhaid i'r Rhaglen Safon UG Estynedig gyrraedd y safonau a'r amodau a sefydlwyd yn fframwaith rheoleiddio esblygol Medr, gan gynnwys y *Telerau ac Amodau Grant, Amodau Cofrestru, Fframwaith Ansawdd, a'r Cod Ymgysylltu â Dysgwyr*.

2. Diben y Rhaglen

Rhaglen un flwyddyn yw'r Rhaglen Safon UG Estynedig, a ddatblygwyd i wella'r wybodaeth a'r sgiliau sy'n ofynnol gan ddysgwyr sy'n gwneud Safon UG, gan sicrhau eu bod yn cael eu cadw ac yn camu ymlaen i Safon Uwch.

3. Trosolwg o Ddarparu

Dylai pob rhaglen gael ei darparu ar sail amser llawn.

Mae'r tabl canlynol yn amlinellu nifer yr oriau sy'n ofynnol ar gyfer pob rhaglen ddysgu. Ni ddisgwylir i ddarparwyr ddarparu'r union nifer o oriau ar gyfer pob maes ond mae hyn yn rhoi canllaw cyffredinol. Fodd bynnag, disgwylir i gyfanswm yr oriau darparu fod o fewn goddefiant rhesymol¹ i'r oriau a gyllidir. Caiff rhaglenni sy'n cynnwys Bagloriaeth Sgiliau Uwch Cymru eu dynodi â'r geiriau "a BSUC"

Disgrifiad o'r Rhaglen	Sefydlu	Prif Gymhwyster/ Gymwysterau	CLIF	Cyfanswm
Rhaglen UG Estynedig (3 UG)	15	405	145	565
Rhaglen UG Estynedig (3 UG a BSUC)	15	540	145	700
Rhaglen UG Estynedig (4+ UG)	15	540	145	700
Rhaglen UG Estynedig (4+ UG a BSUC)	15	675	145	835

4. Cymhwystra a Gofynion Mynediad ar gyfer Dysgwyr

I fod yn gymwys i gael mynediad i'r rhaglen rhaid i ddysgwr fod yn 16 oed neu drosodd ar 31 Awst 2026. Sylwer bod Medr hefyd yn disgwyl i flaenoriaeth gael ei rhoi, yn y lle cyntaf, i'r dysgwyr hynny sy'n 16 i 18 oed.

¹ At ddibenion archwilio ystyrir mai 10% yw goddefiant rhesymol.

Sylwer bod Medr hefyd yn disgwyl i flaenoriaeth gael ei rhoi, yn y lle cyntaf, i'r dysgwyr hynny sy'n 16 i 18 oed ar y 31 Awst, yn union cyn i'r rhaglen ddechrau².

Bydd y gofynion lleiaf canlynol yn berthnasol ar gyfer yr holl newydd-ddyfodiaid i'r Rhaglen Safon UG Estynedig:

- isafswm o 5 TGAU gradd C neu uwch,
- rhaid ennill o leiaf un radd C mewn:
 - naill ai
 - TGAU Mathemateg / TGAU Mathemateg Rhifedd neu
 - TGAU Saesneg / TGAU Cymraeg Iaith (Gyntaf)

Rhaid i ddysgwyr hefyd:

- wneud naill ai 3 neu 4 Safon UG; a
- bod yn wynebu risg o beidio â chamu ymlaen at y Safon Uwch.

Efallai y bydd ar golegau eisiau pennu meini prawf cymhwysra uwch os yw profiad blaenorol yn awgrymu cwblhau a bod gofynion deiliant llwyddiannus yn fwy na'r isafswm a nodir yn y ddogfen hon.

5. Cynnwys y Rhaglen

Yn unol â'r gofynion a nodir yn y *Fframwaith Cyllido Ôl-16 – Canllaw*³, rhaid i bob rhaglen ddilyn yr un strwythur sylfaenol â rhaglenni addysg gyffredinol amser llawn eraill, sef:

- Sefydlu
- Prif Gymhwyster/Gymwysterau; a
- Dysgu Cymunedol â Ffocws Diwydiant (CLIF).

Mae'r oriau dysgu ychwanegol, o'i gymharu â'r Rhaglenni Safon UG nad ydynt yn estynedig, yn gorfod bod â ffocws ar o leiaf un o'r meysydd canlynol:

- gwella gwybodaeth a sgiliau rhifiadol ar gyfer pynciau STEM (e.e. Mathemateg i Gemegwyr);
- gwella sgiliau llythrennedd ar gyfer pynciau STEM (e.e. datblygu dealltwriaeth ac ysgrifennu estynedig);
- gwella arfer llafar a gramadeg ar gyfer leithoedd;
- gwella gwybodaeth wyddonol ar gyfer Addysg Gorfforol / Iechyd a Gofal Cymdeithasol;
- cyfranogi mewn gweithdai Sgiliau Ymchwil i ategu Bagloriaeth Sgiliau Uwch Cymru (BSUC) a Chymwysterau Prosiect Estynedig (CPE)
- cyfranogi mewn gweithdai Sgiliau Ymchwil i gefnogi'r tri phrosiect yng nghymwysterau newydd Bagloriaeth Sgiliau Cymru a Chymwysterau Project Estynedig (CPE)
- cyfranogi mewn gweithdai Menter a Chyflogadwyedd (e.e. sesiynau 'parod ar gyfer gyrfa', anogwr gyrfa, sesiynau menter);
- paratoi ar gyfer arholiadau a chyfweliadau mynediad i Brifysgol;

² Ystyrir bod dysgwr yn 18 oed tan ddiwedd y flwyddyn academiaidd y mae eu pedwerydd pen-blwydd ar bymtheg yn digwydd ynddi. Mae'r diffiniad hwn yn sicrhau nad yw cyllid ar gyfer dysgwr 16 i 18 oed yn newid yn ystod rhaglen unigolyn os yw'r dysgwr yn troi'n 19 oed yn ystod blwyddyn academiaidd.

³ Gweler [Cyllid i ddarparwyr](#).

- paratoi ar gyfer cystadlaethau sgiliau, Olympiadau, Her Mathemateg.

6. Gofynion Cyflwyno Data

Bydd Medr yn defnyddio data o Gofnod Dysgu Gydol Oes Cymru (LLWR) a'r Casgliad Data Ôl-16 (P16DC) i fonitro'r modd y darperir y rhaglen a deilliannau dysgu'r rhaglen ar gyfer y Rhaglen Safon UG Estynedig.

Yn unol â'r amodau a nodir yn y *Telerau ac Amodau Grant*, rhaid i ddarparwyr sicrhau bod data'n cael ei gyflwyno yn y fformat cywir ac mewn modd amserol.

Mae Llwylyfr Cymorth i Ddefnyddwyr LLWR⁴ a'r Casgliad Data Ôl-16⁵ yn nodi'r canllawiau y dylai darparwyr eu dilyn wrth gyflwyno data ar gyfer y flwyddyn academaidd gyfredol.

Codau'r Rhaglenni

Dylid defnyddio'r codau rhaglenni canlynol (LP74) ar gyfer dysgwyr ar y Rhaglenni Safon UG Estynedig:

0013I03B	Rhaglen UG Estynedig (3 UG)
0014I03B	Rhaglen UG Estynedig (3 UG a BSUC)
0014J03B	Rhaglen UG Estynedig (4+ UG)
0015I03B	Rhaglen UG Estynedig (4+ UG a BSUC)

Model Cyllido

Gall cyllid llawn ar gyfer y Rhaglen Safon UG Estynedig⁶ gael ei dynnu i lawr gan y darparwyr hyd at uchafswm o 10% o gyfanswm pob carfan berthnasol fel a ganlyn:

Disgrifiad o'r Cyllid	Cydrannau'r Carfannau (yn unol â Chodau LP74)	Cyfradd Uwch (10%)	Cyfradd Sylfaenol (90%)
3 Safon UG	0013A03B, 0013B03B a 0013I03B	0013I03B	0013A03B a 0013B03B
3 Safon UG a BSUC	0014C03B, 0014D03B a 0014I03B	0014I03B	0014C03B a 0014D03B
4+ Safon UG	0014A03B, 0014B03B a 0014J03B	0014J03B	0014A03B a 0014B03B
4+ Safon UG a BSUC	0015C03B, 0015D03B a 0015I03B	0015I03B	0015C03B a 0015D03B

7. Monitro ac Archwilio

Bydd gan fonitro ac archwilio rôl o ran sicrhau bod y canllawiau'n cael eu rhoi ar waith yn gyson ac i helpu i asesu a yw polisïau, gweithdrefnau a rheolaethau'n ddigonol.

⁴ Gweler [Cofnod dysgu gydol oes Cymru \(LLWR\)](#).

⁵ Gweler [Casglu data ôl-16](#).

⁶ Mae'r gwerthoedd i'w [ar-lein](#).

Dull Monitro

Bydd y dull o fonitro'n canolbwyntio ar y meysydd canlynol:

- cydymffurfio â manylebau'r rhaglen; a
- deilliannau dysgu ar gyfer y rhaglen.

Bydd hyn yn cael ei gyflawni trwy gyfuniad o fonitro yn ystod y flwyddyn ac ar ddiwedd y flwyddyn; ymarfer paru data; a phrofion archwilio manwl ar ddysgwyr ar Raglenni Estynedig.

Cydymffurfio â Manyleb y Rhaglen

Bydd Medr yn defnyddio data LLWR / P16DC i fonitro'r modd y cydymffurfir â manyleb y rhaglen. Bydd hyn yn cynnwys monitro'r data o setiau data'r rhaglen a gweithgareddau i wirio bod gofynion darparu'r rhaglen yn cael eu hateb yn llawn.

Deilliannau Dysgu

Mae cyrchfannau dysgwyr yn fesur perfformiad allweddol ar gyfer y rhaglen ac yn hollbwysig i werthuso'r modd y darperir y rhaglen.

Disgwylir y bydd y mwyafrif llethol o ddysgwyr sy'n cwblhau'r Rhaglen Safon UG Estynedig yn llwyddiannus yn camu ymlaen i Raglenni Safon Uwch amser llawn.

Profion Archwilio

Yn ychwanegol at y dull o fonitro a nodir uchod, bydd yr holl ddata a ddychwelir gan y sefydliadau Addysg Bellach yn ddarostyngedig i ofynion archwilio diwedd blwyddyn presennol⁷. O fewn hyn, bydd pwyslais arbennig yn cael ei roi yn y *Canllawiau Archwilwyr* i sicrhau bod archwilwyr allanol yn samplu dysgwyr sy'n gwneud y Rhaglenni Estynedig yn briodol.

8. Manylion Cyswllt

Ar gyfer unrhyw ymholiadau ynghylch cynnwys y Fanyleb Rhaglen hon, cysylltwch â Medr: Buddsoddiadamonitro@medr.cymru.

⁷ Bydd y gofynion archwilio ar gyfer y flwyddyn gyfredol yn cael eu cyhoeddi ar ddiwedd y flwyddyn academaidd.

Medr

Y Comisiwn Addysg Drydyddol ac Ymchwil
Commission for Tertiary Education and Research

www.medr.cymru

2 Cwr y Ddinas
Stryd Tyndall
Caerdydd
CF10 4BZ

2 Capital Quarter
Tyndall Street
Cardiff
CF10 4BZ



Noddir gan
Lywodraeth Cymru
Sponsored by
Welsh Government